

عبد الحميد طير البر

كلمونى تانى عنك

رباعيات

الطبعة الاولى في سبتمبر 2019



(أشعار)

كلمونى تانى عنك

بطاقة الكتاب

عنوان المؤلف	كلموني تانى عنك
المؤلف	عبد الحميد طير البر
التصنيف	أشعار
رقم الإيداع القانوني	16961 - 2019
الترقيم الدولي	978-977-6726-70-3
عدد الصفحات	110 صفحة
رقم الإصدار الداخلي	485 الطبعة الأولى اغسطس 2019
المقاس	20X14
تصميم الغلاف	مؤسسة النيل والفرات

جميع حقوق الطبع والنشر محفوظة للمؤلف، ولا يحق لأى دار نشر طبع ونشر وتوزيع الكتاب الا بموافقة كتابية وموثقة من

المؤلف

مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 تليفاكس: 020554372901

البريد الإلكتروني: nagyegy200064@gmail.com

البريد الإلكتروني: alnilwaalfourat@gmail.com

المقر الرئيسي: ج.م.ع. محافظة الشرقية - العاشر من رمضان - مجاورة 13 - أمام سنتر الـ 13 - عقار 304

الإهداء

أهدي ديواني وما به من أحاسيس جياشه ونبضات قلب ولهفة
روح وخفقان مهجة القلب والود والمحبة لكل أبنائي وأحفادي
وزوجتي شريكة حياتي
وكل من ساهم بالسماع أو بالرأي أو تعاطف وجدانيا مع إحدى
قصائى فله منى محبتي
والله الموفق

عبد الحميد طير البر

مقدمة

(إيضاح) أو ملخص

هذا الديوان مجموعات من الرباعيات بالعامية كل مجموعة منها اتفقت على عنوان يدل عليها محققا وحدتها في نفس الوقت كل منها لها معنى تام وحافظت كل رباعيه على قواعد الرباعية فنجد المربع الكامل والمربع الأعرج والموال البغدادي و ذكرنا في الديوان خلجات النفس البشرية في المواقف المتباينة فجد الغزل العفيف والشوق للحبيب والأرق والسعد من الهجر وتجد الروح الوطنية في رباعيات للشهيد ولمصر الغالية حماها الله على مر العصور وكذلك لم نغفل النواحي الدينية فكان له نصيب عظيم في فكرنا وأرواحنا وعقيدتنا وكل ذلك بعامية دواوين الحكومة إن جاز التعبير وذلك بعد الرجوع إلى ما يسمى (الدوبيت) وأصله فارسي وهو مكون من كلمتين دو ومعناها 2 بالفارسية وبيت وهي عربيته وهو نمط شعري مستحدث أخرجنا من قوالب الخليل بن احمد في الوزن

وكذلك الرباعيات التي ظهرت في القرن الثاني الهجري مثل بشار بن برد 165هـ ، حماد أجرد 261هـ ، منظومة ابن دريد 324هـ التي سماها (المربعة) وهي قصيدة طويلة وحدتها أربعة أبيات ومجموعها 116 شطره

وبداخل الديوان مجموعة من الرباعيات المستقلة وكذلك بعض الدوبيت الثلاثي وبعض السداسيات مرورا بفن الواو المنطوق مثل المكتوب مع الاحتفاظ بجوهر فن الواو اجتهدنا كي تنطلق قصيدة الرباعيات قدر استطاعتنا والله الموفق .

كلموني جيرانى

كلموني جيرانى عنك
بعد ما حرموني منك
نقل كلام جاب خصام
كنت صدق اللي منك

أنا قلبي وروحي فيك
و أسأل عينيا لما تناديك
طيفك بالحب مر جاني
حضنته لما قلقت عليك

عيوني غريقة بحر عينيك
دوبها حنينها وشوقها إليك
العمر كله أخاف عليك
أسأل كفي بحضن أيديك

العشق بكياتي بجد يسري
من رأسي لقدمي لخصري
وزاي راح تبقى خصمي
وقلبك في العشق قصري

بعد الفراق نتقابل تاني
أنفاسك تشتاق لأحضانني
ولا نسمع للواشي كلام
الحنن في قربك ينساني

رباعيات حروف الهجاء

رباعيات حروف الهجاء
من أول الألف لحد الياء
يمكن تلاقي فيها البكاء
وبعض تعاليم السماء

(أ)

أبن آدم نسى نفسه وأتكبر
أعلن الفطر بجح ما أتستر
الصيام رحمة من الرحمن
أكيد يا عاصي بكره تتحسر

(ب)

باب الفتوح مفتوح بالتقوى
بركة من الله الجنة لنا مأوى
بسرعة أستقيم يعزك المولى
بدعائك ينزل المن والسلوى

(ت)

تاب الولد بعد ضلال سنين
توبة نصوحة ملك فدادين
تزيد الخيرات في البساتين
تكثر لله ساعد المساكين

(ث)

ثريا متعلقة بقلبك تشع النور
ثابت على الحق ومش بتجور
ثوابك شجرة ورقها سرور
ثمرها طاب كفاتنات الحور

(ج)

جميل الروح بالصلاة والصوم
جبل حسنات لو تعين مظلوم
جود على كل فقير محروم
جنة تدخلها ورحيق مختوم

(ح)

حامد و شاكر نعمة الرحمن
حامل الخير رحيم إنسان
حنون على الوالدين بإحسان
حماك الرب من شر النيران

(خ)

خطوة الشيطان أبعد عنها
خد أداء الصلاة بأوانها
خلّ مع الله تستقيم أحوالها
خاف من الله تفوز بجمالها

(د)

دنيا غروره والزمان غلاب
داوم بعمل الخير ولا تهاب
دامت قبلنا لحد يا أحباب ؟
دوام الحال محال يا شباب

(ذ)

ذهب وفضة بالغش وفرتها
ذراع الحق بالعدل ما قومتها
ذهب العقل والفتنه أسستها
ذنوب عملتها النار جزاء لها

(ر)

راعى ضميرك في عملك تفوز
ربك يستر مرة أو مرات يجوز
رأس الحكمة العدل لازم يفوز
رماك عملك بالسجن محجوز

(ز)

زيارة يا رب أنولها مع الأيام
زيارة النبي والبيت الحرام
زمزم تغسل القلوب بمـرام
زود عليها أتمم أركان الإسلام

(س)

سان جورج يضحك في وشك
ساب المبادئ ناوي على غشك
سامر أصيل يحفظ مقام عشك
سليم القلب بالعطر ح يرشك

(ش)

شوقي للحبيب خذني في دوامة
شارد بفكري و روعي ندمانه
شلت ذنوب والنفس لـوامة
شفاعة محمد لنا فيها السلامة

(ص)

صابر اكتبني يا رب م الصابرين
صبري على فعل وسوسة شياطين
صدوا عن الحق و انحنى ظهري
صدق الرسول حقي بيوم الدين

(ض)

ضماير الناس ليه فيها أنمـة
ضعف الإيمان والعدل فيه هزـة
ضامر على منكر نفسه في اللذة
ضرب ضعيف مات هو من غمزـه

(ط)

طه مع جبريل يحفظ القرآن
طهر القلوب والهدى عنوان
طهارة باليد والقلب واللسان
طاب العليل بالهدى والتبيان

(ظ)

ظهر بمكة شعاع النور
ظهور الفيل العام المشهور
ظن أبرهة ح يهدم المعمر
ظهرت له أبابيل الطـيور

(ع)

عيب نقول العيب في الزمان
عيننا نظلم النفس طبع وكان
عمال يجور على جاره فلان
عجبي عليه ظالم وجـبان



(غ)

غافر الذنوب خالق الوجود
غالب ومأنح من غير حدود
غمر قلبي راحة في السجود
غاييتي رضاه هو الخلود

(ف)

فتاوى غريبة بتطلع يا زمان
فاهم أنه علامة وكتب بيان
فيه السجائر لا تبطل الصيام
فطرة الله فينا حارس وأمان

(ق)

قمت أصلى بجوف الليالي
قمرى المنور حبيبي الغالي
قال: اتبع كتاب الله وأفعالي
قاهر الكفر عطرتة عنواني

(ك)

كتاب الله فيه النور رباني
كرم من الله من الشر نجاني
كلام حق أوعى تكون جاني
كامل وفيه أعجاز بالمعاني

(ل)

لبيت الله مشتاق للرحيل
لا اله إلا الله تشد الحيل
للعبدة أسجد هناك وأطيل
له الملك بذكره طاب العليل

(م)

من يغفر الذنوب للعاصي
متين خد العاصي بالنواصي
ماتح النعيم خالق المراسي
مالك الأكوان لله إخلاصي

(ن)

نفس لوامة بالسوء خطاءة
نهلة في اللذات ب جراءة
ناسية حساب الله ولقائه
نجل القرآن سند بالقراءة

(هـ)

هدى الله فرق حرام و حلال
هدانا ربنا بعد طول الضلال
هات حسنات اعمل منها تلال
هرول واجمعها زاي الغلال

(و)

وليد لمكارم الأخلاق متمم
واثق الخطى للهدى مصمم
وأد البنات حرام شرح وعمم
وكلنا في حب محمد متيم

(ي)

يا ابن آدم بالحسنات اغتنم
يتقل رصيدك ويزول الهم
يبقي كتابك بالتقوى علم
يا غافل تعبد بالليل ولا تنم

بساط الريح

بحبك يا جميل الروح
تتَبَسَّم وعيني تتوح
عشان العند ودالك
دا أيامى كدا ح تروح

ما أيامي بلون ليلى
سنين والفرح ناسينى
طول مانت بعيد عنى
ما يجى ضى في عيني

عشان مالي غنى عنك
وعشت حياتي من أجلك
ياما صبرت ع هجرك
خلص الصبر في صدك

ما انا نورت قناديلك
ونفسى يوم ما انا ديلك
تجبنى ببساط الريح
وفى حضنى أغنيك

طعم الهوى

الهوى وأحنا سوى
صعب أوصفه بكلام
أسألوا نبض إيدي
بين إديه فى سلام

دقاتي تدق بقلبه
دمه يجرى بالشریان
و لحن واحد لغنوه
قولناها هزت الوجدان

حب الغصن للزهور
حب داخل الكيان
حب الليل للنور
نور منور الأركان

حب نادر فى الوجود
حب كان ملوش حدود
الحب ألفه وانسجام
خلينا نهدم السدود

حلمت حلم قال تمام
جائی امبارح بالمنام
حلم عشناه من زمان
يا لا نكتب له الدوام

الميزان

هات الحروف اكتب عنوان
قصيده كبيره متين فدان
ازرع فيها فل وريحان
وشتلة عنب مع الرمان

أرجوك وابتعد عن الأدمان
كان فيه طالب راح امتحان
وقاعد تايه وكان سرحان
أهمل دروسه في توهان

وكم ان فلاح الليل سهران
راح الغيط وبقي كسلان
يا عيني الزرع كان دبلان
والقمح منه كمان زعلان

موظف شايع في فنجان
قدامه الجمهور واقف تعبان
ولا سائل فيهم الجبان
فاتح بقة و يتاوب عميان

صاحب الكاروو معه حصان
الشفقة فين ضرب الحيوان
وكمان بقال داخل دكان
عمال يسرق في الميزان

رفع الأسعار ع الغلبان
ومدرس بقى كول شئ كان
لا بيشرح ودماعه روقان
تعالى الدرس آدي العنوان

صاحب المعاش قاعد حيران
يجبها يمين وشويه شمال
دا هيكفى فول ولا بدنجان
نفسي يا ناس أكون انسان

أعيش حياتى كدا فى أمان
كل اللى ياكل قوت غلبان
يوم القيامة الحق يبان
أالحق قبل ما يفوت الأوان

وقبل ما يتنصب الميزان
واللى ها يوزن هو الرحمن
اللى عامل الخير فى الريان
من عمل الشر مع الشيطان

قطار الأمل

نجمه وعاشقه القمر
مالك إنت كدا سارح
للحزن فى عينيك ممر
ورمشك عليها جارح

شايفها بتعد النجوم
أنت كنت كدا إمبارح
تايه فى دنيا الغرام
أنا هنا من بعيد لامح

ببحر العيون وغريق
حبك بجد حقيقى جامح
إنت مشيت فى طريق
وجهك مليح بقى كالح

والدرس ليه ما اكتمل
كان نفسى تكون فالح
وتكون لجيلك مثل
مفكر وللعلوم شارح

برشام و بودره تشم
وبطريق الندم سابح
وفرصه بالأرادة هم
فيه عندنا علاج ناجح

إنسى الماضي وبالعمل
ترجع تانى ولد صالح
هم إركب قطار الأمل
قاوم بكل قوتك كافح

أدع ربك كريم مـانح
وامشى بقى فى الصالح
اجتهد وأنت أـلـرابع
ومن بكره عوّض امبارح

عاشق ومعشوق

وأنا العاشق وأنا
المعشوق آه يانى
وأنا الخائق هنا
ومخنوق بأوهامى

وكل حرف اتكتب
يا ناس له معانى
أنا عاشق لمحبوب
على طول بينسانى

أنا معشوق من الهم
رفيق وفى لأيامي
وخائق أنا طموحي
وكل بكره وأحلامى

مخنوق من الدنيا
على طول مغندانى
نفسى بأفكار أرتبها
أنهى بيها أشجانى
يا بكره تعالى مره

معاك نور لآمالى
أصيل لكن الفرحة
من زمان نسياني

رجائي من بكره
شعاع أمل تانى
وفات ستين بكره
وأنا لسه بأعانى

لا بكره ولا ماضى
أيام تعدى قدامى
وعداد زمن شغال
عد كتير يازمانى

الشيب بدأ براسى
وأنا لسه بمكانى
تاريخ بلا ذكرى
ليه بكره ما جانى

و قلت أسجل كلام
باقى لو خُلصت أيامي
السيرة ممكن تدوم
والعمر أهوه فانى

أم الشهيد

يا أم الشهيد علشان نعيش
لازم مننا حد يـموت
يا صبره بس ما تزعلش
وشه بيضحك في التابوت

أوعى تقولى مات فطيس
دا وعد من رب الملكوت
ح يجيب حقك م الخسيس
دمه غالى ومش ح تفوت

كان سهران على الحدود
وإحنا نايمين في البيوت
لأجل مصر بالروح وجود
بقلوبنا يفضل نغمة وصوت

مات يا امى أغلى الناس
كان راجل ورافع الرأس
ما الإرهاب حفنة أنجاس
جهل لا ضمير ولا إحساس

الهمه يامصرى

يا مصرى انتبه قوم
مصر يا روجي قامت
وبعد الكسل والنوم
فاقت يا ناس وبانت

قالوا ثلاث سننوات
قال عهد الكسل فات
بالمشيئه سنه واحده
بالعزيمة نمسح العقبات

مضى عهد على نفسه
نفذ الوعد والرغبات
رؤيا وكانت سليمه
وقليل عندهم قدرات

أفتح ياريس القنال
وملاً السماء طلقات
تحية من القلب لعمال
مصريين ومش خوجات

إبنى يا إيدى شغاله
مصانع وجنبها عمارات
وتقل نسبة البطالة
ونعيش في تبات ونبات

ننهض بعزيمه وثبات
وسيبك من اللى فات
بالعلم أفتح بطن
الأرض وطلع الثروات

مصر عليها البركات
اللى يدور كلها خيرات
لكل من شارك تحية
ملايين من القبلات

الغالية أمي

أمي الحبيبة أنت أجمل دنيتي
أنت روعي وحياتي ومهجتي
تسع شهور الألم بين الضلوع
وأنت صابرة بتجهز لي لفتى

لما أتولت دمع الفرح خبيتي
ويا ما سهرت تهنئي وداديتي
رسولنا قال أمك ثلاث مرات
ما انت اللى رضعتي وربيتي

يا أمي الجئة من تحت رجلك
أعصر روعي محبه وأسقيك
وفى الشيب بروحي أراعيك
يا نهر حنان نفسى أرضيك

أنا عمري كله أوهبه لـيك
في الطفولة لما اتعب أبـيك
كبرت لو صبني هم الأقيـك
حـضن حنون يا رب خـليك

دعواتك السعد يا رب يحميك
ويجعل الفرح ما يفارق لياليكي
وباب السماء دائما مفتوح ليك
بروحي وقلبي وعمري أفديك

آه يا زماني

آه يا زمان وليه تعيشني وحداني
أقرب الناس فاتوني ونسيوا عنواني
حتى اللي منى وجزء من وجداني
الدنيا وخداهم وتركوني أعاني

يا صبر المر شربته ما صبرنى
ولعت روعي شمعه ما عبرنى
نورت الطريق وانا نار بتحرقنى
دا صدقوا الغريب ما حد صدقنى

وقف الخسيس على حطام أحلامى
والحزن عشنش جوايا نار بكانى
اخويا اللى منى لا سأل ولا جانى
دبحوا المجنى عليه وأكلوه للجاني

الحب الأول

قلبي سفينة والشوق شراعي
وقلبك مرسى شافي أوجاعي
طال السفر وضافت أحوالي
حنيت لحضن الحبيب الغالي

قالوا كذاب أنت عشقت كثير
بأمانة البنت أم شعر حرير
شفنا الفرع من عينيك ح يطير
وصوتك بقي تغريد عصافير

صدقوني دروب قلبها حجارة
واللي ضاع من عمري خسارة
لا حنان ولا أخـلاص ولا
حضن حنون دافئ فيه حرارة

الحب الأول صدقوني والأخير
خلاني على عرش قلبه أمير
ومن قبله قلبي عايش كسير
عاشق سجين وبقلمه أسير

اللطافه فى النظافه

إنت يا فيرس بجد جبان
ولو شجاع اظهر وبان
بالدوى بتنزوى جربان
أو مرهم من البطرمان

تيجي فى خضار او رنجة
هتجيب أمك السرنجـه
ولو جيت فى عرق نسا
هاكوى جسمك بالسـنجه

قدر و بتيجى بالقذورات
محضرك ثلاث صبونات
إنت من النظافه هتموت
وغسيل الخضار والتوت

يا ست يا بتاع الطعميه
غبرى الزيت كل شويه
نقضى عليه بايدك وايديه
وناخده كدا مقلب حرميه

يا عم يا بتاع الساندوتش
خدها نصيحه وف الوش
الدبان اوعاك يخـش
غير كدا يبقى انت ب تغش

يا جزار غطى اللحمه
يبقى من الفيرس رحمه
ما تقولش عليا زحمه
الفيرس بيحب ذبحه

ياست البيت يا شاطره
إدى لأولادك الفكره
قبل الأكل وعلى فكره
غسل الكفين فيه بركه

يحميك يا ولدي

أنت يا جندي جوه سينا غالى علينا
نظف طهر من الأرهاب أراضينا
قلوبنا معاك وبندعي لك بالتوفيق
والرب معاك ياللى بروحك بتفدينا

الأرهابي خسيس وجبان واللى معاه
عدو وفاسد قلبه حاقد ناوى ينذينا
بين جهله و خسة غدره واللى غواه
مجرم زيه أقضى عليه حقق أماتينا

قتل أبني واحنا بنبنى بيت الفرح
زينة فرحه صوان موته زاد الجرح
جاهل ومش فاهم دينه تعبنا شرح
أمحيه بعزيمه وهمه وجيب الفرح

الأرهابي جوه الأرض هتك العرض
شرب من نيلها واتمتع بخير الأرض
خان العشره وخان الجيره ندل جبان
قاتل أبني قتله يا ناس علينا فرض

زمن الفن

زمن الفن أم كلثوم وعبد الحليم حافظ
عشت بأصول الزوق و للعهود حافظ
والمال عمرى ما عملت له محافظ
الكل حبونى وانا لامسؤل ولا محافظ

كان فيه أدب وأشعار شوقى وحافظ
فين أيام يدرسوا ابن سينا والجاحظ
شايف هبوط واضح وأنا ملاحظ
دقه قديمه اللي على الأخلاق محافظ

صمت الشفافيف

العين تحكي من غير كلام
واحترنا مين يبدأ سلام
وهو صامت وقلبي ساكت
وروحنا هايمه فى الغرام

غايب عنى والبعد طال
فى البعد قول إيه الحال
العند أخذك بعيد عنى
ربى خلقتى طويل البال

ياجميل وظالم فى الجمال
خف شويه و كفايه دلال
عينك منى وعينى عليك
مهرة أصيله وأنا الخيال

تعبت وعندى ليك سؤال
هو ايا جواك ولا زال؟
صمت الشفافيف قال كلام
وعنيك قالت إنك ميال

رمشك قال أنساك دا محال
رمشى قال فيك كام موال
مستنى بسمه من شفایفك
تلاقینی جيلك كدا فى الحال

لو رمشك لشفایفك مرسال
واللى جوا القلب له يتقال
كنت أدبح الهجر بأعتابك
انا قلبى و كلى اليك ميال

أنت العين وأنا الننى
وهواك من بدرى مجتنى
ضمني بقى بحضن هواك
من زمان هواك يناسبنى

خاف من الشيك

شلت الهم و جوائٍ غم
وكل كلامي فيه أفراح
و ذنبك إيه انت ياعم
إن حبيبي فاتنى وراح

أصل الدنيا صعب شويه
ولا بشكى ولا نـواح
مش بهرب من مسئولييه
بس حبيبي مش مرتاح

يعنى يوم سريسه وجبنه
مش لازم كل يوم تفاح
يعنى شوية عدس بجبه
اللحم لجيبي ليس مباح

أنا مالى ومال جنابه
راكب تخت داير سواح
يعنى أمد ايدى لسؤاله
ما بيعش عايش مرتاح

شايِف الدنيا بعينيه هوه
ما كل شئ قدامه متاح
لا بيوقف طبور بطبونه
ولو تعب ميتين جراح

النهار ده أحسن من بكره
بس عرفته شحيح وشاح
يمكن بكره ما فيه ستره
لأن حياتي عايشها سفاح

مش مقصر ولا متأثر
لكن مش لاقى المفتاح
كل يومين تقفل أكثر
أنا عمري خلاص رواح

قصة وحده كانت جارتى
سمعت كلام آه يا مررتى
وحيده بغايه فيها ذئاب
بتقول : مستنيه الشرطى

أبوهم غاب عن سماواتى
و كان لازم أستر بنا تى
أهل جوزها يقولوا هاتى
أنا أكتب شيكات وبهاتى

والمعاش محرومه منه
طالع أقساط والذي منه
ولا الشئون تيجى تغتنى
السجن كنا فى غنى عنه

عزيزه ولسه كدا عفيفه
والدين كتفنى التكتيفه
مضيت للندل على بياض
راح إشتكائى ابن الجيفه

قولوا لى يعنى أعمل آيه
أزل نفسى أبوس رجليه
زى الكلب مسك عظمه
راحت قيمة الألف جنيه

هو المعاش اسم الله عليه
التعويم كتفلأه إيديه
بعد الأكل هيفضل آيه
عالم يارب بحالى وبنيه

مصر حُضن حنون

مهما رحنا وغبنا عنك
تفضلى الحُضن الحنون
حتى لو زادت قساوتك
بأعشقك برضه بجنون

أنت أُمي وأنا مَنك
أنى أسيبك دي ظنون
والظنون بعيدة عنك
الحقيقه بيكى مفتون

جسمي حَفنه من تراك
بمية نيلك ده معجون
روحي معاك، وهيه فداك
إنت يا نينُ جوا جفون

يا ما شفت دول ويمكن
أغنى منك قد يكون
لكن أنتِ حُضن دافي
بقلبي غنوه ع القانون

جنب ترعه أرمى بذره
القمح سبل للعـيون
شدى حيلك تانى يامه
أزرعى غيطان الزيتون

عمرنا ما ها نرجع تانى
لعصر الحطبه والكانون
غصن ومال فى بلادي
إرهابي مخرب مجنون

بايع روحه للأعادي
يفجر والروح تهون
والسارق لقمح ولدى
الغلبان باكي العيون

خدي حقك يا امى منهم
وارفعى راية القانون
بالعدل يكون حسابهم
الكل ح يبقى ممنون

نقول: تانى روحنا فيك
مهما يحصل أو يكون
إنت وطننا ملناش غيرك
بالله أحلى وطن بالكون

تتميز بأنها تقرأ من أسفل لأعلى ومن أعلى لأسفل

أنا المحافظ

مصرى وكل الناس تعرفنى
تاريخى بين الامم يشرفنى
جه التاريخ بسجله ونصفنى
ما هز عدو رمشى ولا جفنى

مصرى وبلون الليل عيونى
ورمل إخضر بتين برشومى
ارتوت من مية النيل بطونى
مِصرَ و بجد الننى لجفونى

مصر مذكوره ف قرآنى
رب ما نسى حد بيرعانى
بلد الخير وأحلى اوطانى
نبينا وَصَّ عمر ووصانى

حبيبتي ليه تخلفي وعودي
يا ليالي الحظ تعالى عودى
شهم وشجاع مستقيم عودى
أنا المحافظ على عهدى

حبروني

لموني في قربي منك
شغلوا بالي وحبروني
لو في يوم بعدت عنك
أروح فين من عيوني

اللي شوقها حضن قلبك
وعينيك لما يرا عوني
الدنيا تحلى وأنا جنبك
لحظة ما تبعد سهروني

عيوني ساكنه جوا رمشك
تبص لغيري ح يقولوا لي
أنا نبضي جواك وسمعك
همسه لغيري يفتنوا لي

عرفت ليه أنا قلبي ملكك
هواك مخلص لمكنوني
من يومها و روعي عندك
وعمرك ما خلفت ظنوني

كان يا ما كان

ما جاش على بالك يوم ترحمني
ولا في الخيال بحنان تمسح ظني
وفي نظرة عينيك الشك يقتلني
سبني لهماي وروح ليه تعذبني

هويتك بكلي بروحي و وجداني
وقلت أكيد بالسعادة اللي بكاني
ما سمعت لكلامهم غاوي تسالي
تغدر وتهجر ما جاش على بالي

عيوني عرفت النوم تحت ظلك
كنت اسأل قلبك وهو ح يدلك
نبض قلبي روحي فيك بتقولك
سمعت لكلام الحقود زاد غلك

ليه خلّيت أجمل أيام العمر نكد
لحد ما تخيلت نبض قلبي سكت
ونهر حبي جف كل موجه ركد
عيوني من شوقها للماضي بكت

الحزن جوا قلبي لقلوعه فرد
والحبيب عن الحق عينيه عمت
القلب قال شكواه للقمر وسرد
سَمِعَت النجمة على قلبي حنت

الناس قالوا لي أنت كمان حيران
عائش ع الهامش ودنيتهك أحزان
عذابك أن طعم الحنان حرمان
نفسك في رشفه من حناني زمان

الشهد مني كان أنهار للحنان
وعلى صدري أنا كان الأمان
ولقيت فيه الهنا ونعيم ألوان
ما في رجوع كان يا ما كان

نار ولعه

فتحت باب الهوى
والخالي كان قلبي
سهمه رشق بالقلب
ركن وسكن كبدي

أنا اللي زاد سهدي
يا نار بقى هدي
كنت بخاف م الحب
أصل عذابه أبدي

عشق العذاب قلبي
أنا اللي زاد عندي
ووجع القلب عندي
نار ولعه ما تهدي

حبيبي بالقمر عالي
بساط الخيال ما جاني
كنت أركبه و أروح
وأقعد مع الغالي

العلم

العلم ضرورة نحوي التي اخترع
نجهد في دروسنا و نبطل دلع
دخلت تاريخ أجدادي جاني صرع
اللي بالطب والفلك وفلسفه برع

لو مفيش دكتور موجود بالمجتمع
و جسمي وجعني مين يشيل الوجع
الفلاح لو يكسل ييجي منين الشبع
أصل الفلاح الشاطر زرع وجمع

أهتم بكل خطوة وأحسن السمع
بالعلم نتقدم مش وشوشة ودع
أكبر أبقى مهندس تفيد المجتمع
اللي أجهد في علمه نجمه لمع

حجبوا العلم عني والفهم امتنع
مكاني بالحضارة أصبح ما يتبع
فين علم أجدادنا غرقنا في البدع
لو حافظنا عليه دلوقت كان نفع

جدي في الحساب طرح و جمع
جدي بن سينا في زمانه برع
في الطب الأعراض دونها وجمع
وابتكر علاج جرب عملي ونفع

الورد غار

جمالكَ حلى فسـتـانك
وغار الورد من عودك
قمر الليل صبح مخسوف
ما نوره تاه في خدودك

طال على عيني غيابك
تعالى ووفى بوعودك
عاهدت الليل أصون وداك
وأروى الورد في خدودك

يطول ليلى وأنا سهران
وتر رنان ما بين عودك
يا نغمه أصيله في الالحان
تدفي الروح بوجدك

عيون تبكى دموع تجرى
بسر شرودي وشرودك
دى حتى النجمه بالعالى
تقول: نفسى أكون لـونك

أنا التايه بين الرمشين
خديني احميني بجـفونك
يا عايشه جوا بالـرنتين
هعيش راهب على حدودك

العتاب

أنت فاكِر إني نسيَتك
هواك ساكن هنا بدمي
قلبي من زمان بيَتك
حلم انك تكون جنبي

قدري يا ناسي هويتك
قلبك ليه ما يرحمني
أحاساس صادق أديتك
قلبك ليه غاب عني

و بعرش قلبي وليتك
أمير روعي ليه تسبني
في جوف الليل ناجيتك
و طبعك غريب جنني

زرعت المحبة بغيطك
وأنت بشكك ظالمني
ظلمت نفسي و راضيتك
ليك حق عندي عاتبني

الطربوش

فين أيام لبس الطربوش
حتى الوابور له طربوش
والعايب تلاقيه مكشوف
تعالى معايا لف وشوف

البنت لابسه ع المكشوف
ماشى وراها ولد مهروش
وهيه كمان ما تعرفهوش
إتحرش ولا حد يحوش

حتى الأدب بقى فنكوش
بقينا فى إيام حلق حوش
راح اتجوز ماشى منقوش
ست أد أمه ما تلومهوش

أبوه فقير والولد مكروش
شغل ما فى وناس بكروش
ياللى قاعد فوق الحوش
وزع بالعدل فى القروش

مكتوب

نعمل الخير في الدنيا
ربك يغفر لنا الذنوب
نخاصم النفس وهواها
و عن المعاصي نتوب

بقلوب شفافة زاي الندى
ربك حنون رب قلوب
خلق الكون بجماله لنا
ليه بلذة معاصي ندوب

العاصي في الآخر جنا
ذنوب يا علام الغيوب
تاه في اللهو عن المنى
جمع كثير من العيوب

جمع مال من غير رضا
والكفن من غير جيوب
بطريق ندم ساب الهدي
وكله في الكتاب مكتوب

شاهد لياليها

حكاية غرام بإخلاص أحكيها
واللي محليها الروح وما فيها
حبي لكل الناس مالي معانيها
وكلمه حاكيا روحى تعنيها

روح شفافة والحق ما فيها
دوام السعادة أملها وأمانها
رزق معلوم ربك مرضيها
أرمني الهم على اللي ناشيها

النفس أماره أحذر أغانيها
ولا تطيع دنياها وترضيها
تزين المنوع ترغبك فيها
تقع بالمحذور النار تشويها

أشكم النفس وسد حواريتها
التي تجيب الفتنة و تغويها
بعمل الخير زيد و أرويهها
بجنة الفرات منه ح تسقيها

روحك برضا وقناعة قويها
وأبعد عن الغش تفوز فيها
رمضان حضر فرصة نديها
و صوم اللسان يقوي ناديها

صوم اليدين بالتقوى يحميها
صوم العيون كمان يزكيها
صوم البطن وحده ما يكفيها
كل الجوارح صوم أمان ليها

يوم القيامة الصوم يناديها
وحقه يشفع شاهد لياليها
صوم النهار بلغها مساعيها
روح مطمئنة الرب راعيها

بالتقوى أبني حلاوة مبانيتها
على الفطرة سوية سويها
تسعى للخير ما تغل أياديها
و الصلاة في وقتها أديها

القرآن حصن للروح أويها
أقرأ ما تيسر نول مراسيها
أنهار الجنة سبحان مجريها
وفواكه تأتي للي يشير ليها

ملكك روح الذكر يشفيها
مدح النبي لروحي يحييها
ألف صلاة للشفيع ليها
رب روعي من النار نجيها

رمضان

رمضان شهر الإحسان
نعيش في رحاب الإيمان
نهارنا خير ليالينا نور
نفحات هديه من الرحمن

سعادة وبركه يا رمضان
و يا رب نختم القرآن
روحي تعيش نعيم وسرور
البركة من خالق الأكوان

قويني يا رب على الشيطان
الغاوي العاصي في النيران
هو الوحيد رفض السجود
يوم القيامة بالنار في هوان

أيام نفحات فيها الحنان
صوم وصلى تدخل جنان
تنول رحيق مختوم وأمان
أنهار عسل أنهار ألبان

العدل في الإسلام أهو بان
ممنوع تجور على تعبان
نعمل بتعاليم القرآن
نزل لنا رحمة يا إنسان

فيه ليلة بألف شهر كمان
عن خيرها أسأل الترجمان
شمس دافيه نورها بان
القلب مشتاق وفي حرمان

العرافة وأنا

توشوش الودع لأجل تلاغيه
اللي يقوله مش ح اعترف بيه
قالت لي حالك وشك يدل عليه
وجع العشق تهرب منه تلاقيه

الخصام اللي بينكم بجد غرام
لأنه غيره ع المحبوب وهيام
وحُبُهُ جوا مهجة القلب دام
لما مخاصم ليه بعث سلام

ما هي روعي واللي جواها
هي أنفاسي عندها وحسباها
عزفت الحاني كلها وعرفاها
صدقوا هي دنيتي وأنا دنياها

قدامك زهور والدنيا رسماها
وتميل عليك أنت ما تهواها
زهرة القلب أنا كمان عرفاها
عينيك تقول ما عشقت سواها

عاشق وبس

عاشق مرسوم بقلبي حوارىكى
وعاشق نسمة هواك وانا لىكى
إبنك اتربى هنا وهيموت فىكى
يا ام نيل عذب يروى أراضيك

أنا وهبت روحى شهيد لترايك
أحمى حماك زى كل أعراضك
مش هاسيب اللى ف يوم عابك
حسابه عسير يا شايه احمالك

حببتي فى يوم تعبت إيه مالك
صابره ع حد بيهدم فى أحلامك
عاش من خيرك ويقتل أولادك
هنقضى عليه وعد من أجيالك

عاشق رمل وخُضْر، بدو وحضر
واقف أسود على الحدود جمر
كل معتدى أولادك هيسقوه المر
و أى ارهابى إخنقيه والله الأمر

امتى شمس الخير تقضى ع الشر
أرض حضاره كم نبى من هنا مر
وسيدنا ابراهيم أتجوز منا هاجر
ابنه اسماعيل برجليه الميه تتفجر

ما تسببش إرهابى و بخسه يفجر
نادى المخلصين للصحارى تعمر
تفضلى بلد الأمن والامان يا قمر
وترجع ليالى أنس و فرح وسهر

المنوفية

بيرنوب والفرعون راعيها
و بيت الذهب لائق عليها
الأرض الطيبة من أساميتها
المنوفية منوف أساس لها

دلنا بلدي أرضاها وأرضيها
سنابل القمح تزين أراضيها
أجمل سنابل أعشق معانيها
زاي الذهب يتلألأ بأوانيها

النيل يجري بفرعين فيها
ترتوي منه أفكار أهاليها
وينهل العلم رمل روابيها
لحن الطير بالخير أغانيها

كم من العظماء ساكنيها
شوارعها بقلبي وحواريها
بيدي السنابل الخضر أرويها
و بالسادات مصانع تقويها

بقوسنا كم صناعات تنديها
فواكه أرض منوفية تنميها
خضروات الأرض تركيها
أحلى ما فيها طيبة أهاليها

اللي حصل بدنشواي يقويها
جبروت الظلم ما هز روابيها
ملحمة شعب يحب يموت فيها
عمر ما غازي عمر بأراضيها

الدار

عاشق ب حاول أداري
تفضحني عيني ولساني
معشش أنت بوجداني
دمك يجري بشرياني

كثير من الريم تهواني
ما لهم مكان بكياني
هواك عشش بأركاني
تعبت وقلت آه يا ني

هواك و دلالة خلاني
أخاف أبوح لتنساني
يمكن فيه حد تاني
تخاصم وأنا أعاني

قابلتك من غير مرسال
مُهرَه و أنا الخيال
وبان عليا اللي بان
من غمزه بدأ موال

ريداني الحلوة الصبية
لأنني صادق النية
حضنت أيديها بحنية
مسكنتي رعشه قويه

دخل جسمي التيار
كهرباء ولعت النار
وقفت مشغول مختار
الحل أجهز بقى دار

أمي حياتي

أمي الحبيبة و سر حياتي
يا ما أتوجعت من آهاتي
و أنا مريض توجعك أنا
ويهرب النوم منك ليلا

كنت تحرمي نفسك وتديني
و تعذبك الدمعة في عيني
عمرك في يوم ما تنسيني
طبيبي أنت بالحب داويني

حب وحنان صدرك حضني
ثانيه بثانيه النبض زارني
أني أصونك ربي أمرني
الجفن أنت و روعي نني

دايما تقولي يا حتى مني
وشايله همي حتى و إني
بقيت كبير برده تحني
أُسى فضلك أوعي تظني

يا رب خليك نور حياتي
تبقي سعيدة دي أمنياتي
هاتي يا دنيا الفرح هاتي
أنت حياتي حتى مماتي

حبيبتي وأغلى من روعي
لمسة أيديك شافية لجروحي
أنت السعادة و الهنا بوعي
قلبي عليك وين ما تروحي

دبل الزهر

الروح للروح سكن مسموح
لو فيه وفاء تطيب الجروح
و بكلمه حلوه يجف النوح
لما الحبيب بحنانه يبوح

أنا حكايتي بطعم الألم
حياة كنيبة تساوي العدم
عرفت الحب قلبي أنصدم
تاه ما بين شكوى وندم

في العشق كنت أبو الكرم
في قلبي حفرت أسمه نعم
في مهجة القلب بدون قلم
عشق بان على وشي علم

خليته نور قلبي و حياتي
أهديه الورد عليه قبلاطي
دبل الورد بنوحي و أناتي
حياتي بقت تساوي مماتي

البرد دخل تلج أمسياتي
لما هجرني طلعت آهاتي
ماتت على شفتي كلماتي
كان نبع يروي بحيراتي

أخذه مني ومش ح يعود
الطريق بيني وبينه مسدود
والحزن بقلبي عليه ممدود
سنة الخالق خالق الوجود

وحياة حبيبك النبي المحمود
أجعل للعذاب جوا حـدود
يا رب بالحنان علينا جود
نقابل الحبيب باليوم الموعود

شاهد لياليها

حكاية غرام بإخلاص أحكيها
واللي محلها الروح وما فيها
حب لكل الناس مالي معانيها
وكلمه حاكها روعي تعنيها

روح شفافة والحد ما فيها
إن السعادة تدوم هي أمانها
رزق معلوم ربك مرضيها
أرمني الهم على اللي ناشيها

النفس أماره أحذر أغانيها
ولا تطيع دنياها وترضيها
تزين المنوعة ترغبك فيها
تقع بالمحذور النار تشويها

أشكم النفس وسد حواريتها
للي تجيب الفتنة و تغويها
بعمل الخير زيد و أرويهها
بالجنة الفرات منه تسقيها

روحك برضا وقناعة قويها
وأبعد عن الغش تفوز فيها
رمضان حضر فرصة نديها
و صوم اللسان يقوي ناديتها

صوم اليدين بالتقوى يحميها
صوم العيون كمان يزكيها
صوم البطن وحده ما يكفيها
كل الجوارح صوم أمان ليها

يوم القيامة الصوم يناديتها
وحقه يشفع شاهد لياليتها
صوم النهار بلغها مساعيها
روح مطمئنة الرب راعيها



بالتقوى أبني حلاوة مبانيتها
على الفطرة سوية سويها
تسعى للخير ما تغل أياديها
و الصلاة في وقتها أديها

القرآن حصن للروح آويها
أقرأ ما تيسر نول مراسيها
أنهار الجنة سبحان مجريها
وفواكه تأتي للي يشير ليا

ملكوت روح الذكر يشفيها
مدح النبي لروحي يحييها
ألف صلاة للشفيع ليها
رب روقي من النار نجيها

إيه اللي نابيه

عاش سنين أحلى شبابه
أختره ليه قلبي وندا له
قبل ما ينده كان على باله
لأجل يعيش سنين عذابه

روحي وقلبي منه شابوا
و قلبه راسي زايد دلالة
محتاج إليه تركه وسابه
من العذاب كمل علامة

العقل كان عامل حسابه
مش مصدق اللي غابوا
غدروا فاق وقف مكانه
القلب سكت كفاه ما نابيه

كان يا ما كان

ما جاش على بالك يوم ترحمني
ولا في الخيال بحنان تمسح ظني
و في نظرة عينيك الشك يقتلني
سبني لهمي وروح ليه تعذبني

هويتك بكلي بروحي و وجداني
وقلت أكيد بالسعادة اللي بكاني
وقال غاوي في الهوى التسالي
تغدر وتهجر ما جاش على بالي

عيوني عرفت النوم تحت ظلك
كنت اسأل قلبك وهو ح يدلك
نبض قلبي روعي فيك بتقولك
سمعت لكلام الحقود زاد غلك

ليه خليت أجمل أيام العمر نكد
لحد ما تخيلت نبض قلبي سكت
ونهر حبي جف كل موجه ركد
عيوني من شوقها للماضي بكت

الحزن جوا قلبي لقلوعه فرد
والحبيب عن الحق عينيه عمت
القلب قال شكواه للقمر وسرد
سمعت النجمة على قلبي حنت

الناس قالوا لي أنت كمان حيران
عايش ع الهامش ودنيتك أحزان
عذابك دقت بدل الحنان حرمان
نفسك في رشفه من حناني زمان

الشهد مني كان أنهار حنان
على صدري أنا كان الأمان
ولقيت فيه هنا ونعيم ألوان
ما في رجوع كان يا ما كان

بحبك روح ب تهواني
لحن جميل في وجداني
ما أنت الكل في كياني
لا أنساك ولا تنساني

بهواك ناسي أشجاني
و السعد زين أيامي
الطير ب يردد الحاني
لما داق حنان غرامي

أنت مخلوق على شاني
معاك الدنيا شيء تاني
ربيع وزهور و أماني
لما تبعد تبقى معناني

فكهاني

أنا رايق و دماغى نظيف
فى حب الناس أنا حريف
بالحب ح ننسى التكيف
وكمان نتقاسم فى رغيـف

يا حبيبي من غير مفتاح
أنت دخلت وأنا مرتاح
الليل ويا غرامنا صباح
كلامك حلو عصير تفاح

ولا تسمع لكلام الناس
أنت جميل كلك أحساس
أنت التاج و فوق الرأس
كلام جميل طعم الأناناس

عرفتك بقيت أنا فكهاني
خدودك زاي الورد رباني
خوخ الخدود أحمر غواني
وتفاح احمر أهواه يهواني



قوام جميل مفرد مقسم
و عيوني للجمال ترسم
نسيم الغرام علينا نسيم
قام القلب فتح وتبسم

ورد الخدود

يا للي عمرك وهبته لي من صغرك
وعرفت طعم الحياة وأنا في قربك
البرد حل ما لقيت دفي إلا بحضنك
عيوني شافت جمال ما رأت حسنك

القلب عرف الهوى لما داق شهديك
النجم شاهد كنت سامع ب ينده لك
قلبي رافض وهو خلاني أسمح لك
وهو شاهد علينا و كمان شاهديك

قطفت ورد الخدود قلبي اللي أهلك
لو غبت عني يا حبيبي أنا أهلك
لما عادوك الأهل كنت أنا أهلك
لميت ضفايري حليت لك مشاكلك

من كتر حبي ليك شكلي بقي شكلك
أمتي يا روجي اسمي يزور أسمك
أيه أخرك الليلة قولي وأيه قصدك
أول مره تخلف ليه تشككني بأمرك

فن الواو

تحية

أجمل تحية لأبن عروس
جبت طوق النجاة لقلبي
حرفك كتم حقد النفوس
أبدعت واو وخيالي لبي

العزم

كترت محاولات هدمك
خليك كالجبل راسخ
أنهض وبكل عزمك
أصل فعلهم ماسخ

رحمة

صاحب موسى قتل غلام
لو عمره دام يعاديهم
أبوه وأمه بالإيمان تمام
رحمة ربنا نزلت عليهم

الموهبة

التوفيق منحه من الله
ما تهاب حد بالكون
الموهبة عندك برضاه
ما يقدر يمنعها حاقدون

الحرّة

البنّت الأصيلة الحرّة
تعشق المحبوب وطيفه
تعيش ع الحلوة والمرّة
لا غواها مال ولا زيفه

رح على المطرحة
وانصح لأقـوالي
أنا مش بتاع مصلحة
ولا غش في بالي

الطبع

الطبع لو كان جميل
الثيب زاي البكارة
عارف أبوها أصيل
عجل وتم العبارة

رمش

يا بنت رمشك جرحني
بسهم شبك الفؤاد
والبعد كمل دبـحني
عيوني طلاها السهواد

ريم

يا ريم وشغل الفؤاد
أبعد عيونك عني
بتغني وأنا عواد
خشي حضني يغني

الحقد

لما القلوب تنظف
أروح و أنسى النوم
من الحقد أنا بقرف
أنسى وأنا المعزوم

ندم

يا للي بعث ودنك للناس
ونسيت تسمع كلام قلبك
جنيت على قلب حساس
أندم عليه الذنب ذنبك

شباب

عمل فيها شباب
ولبس فنله بحماله
لعب كورة شراب
دخلت روحه دوامه

الحواشي

حكمت بسماع الشواشي
الحكم يا عيني معيوب
لازم تخش الحواشي
وأعتمد على المكتوب

المنجي

أوعى تحزن يا صابر
حتى لو القريب يجور
ربك للمنكسرين جابر
ينجي من موج البحور

الجميل

كل من عمك جميل
خليك للجميل محافظ
في الحق أبقي دليل
أوعى تميل للمحافظ

الحراملك

خلاص لغينا الحراملك
و من على الوش بيشه
تحاول تسيطر حرام لك
خلاص ما بقتش عيشه

الشتاء

زمان الشتا كتفنا تكتيف
جبنا لحاف وبطنيه علينا
اليوم بقى فيه التكيف
و درجة حرارته بأيدينا

البحر

الشمس حاضنة البحر
و تبكي عشان سيباه
نسيت موجة الحر
بالليل ما هتش شيفاه

الشمس

البحر حزين في الغروب
لأنه عاشق الشمس ونورها
سبحانه الذي ألف القلوب
جعل السعادة تقوم بدورها

غاطه

قبل ما تزعل مني
وتنوي انك تخاصم
غاطه وغصب عني
لا خصم ولا مخاصم

نفسي

نفسي أهرب جوه نفسي
وانسي كمان غدر الزمان
عرفت ناس كانوا نحسي
العمر فات في الحرمان

العلم

اللي خد العلم سلاح أنتصر
اللي درس العلم للعلم وصل
تجاهل العلم بجهله انكسر
نهوض الدول بالعلم حصل

المر

سقيته العسل
سقاني المر
قلت أيه حصل
قال أنا حر

كيد

كيد النساء شر ما له حدود
طبّطب وخلق الأيام تفوت
ربك يجعل كيدهم محدود
كيدهم خلا الجن يموت

البخت

فيه ناس لها بخت
وأنا ربع بخت ومال
حاولت لحد مادوخت
و قلبي للغم شال

الغاز

أنا مش بقول أغاز
يا وبور الجازولين
بقلب الماسورة غاز
نولع بدون جازولين

نبينا

نبينا الهادي فج نوره
سبع سماوات بالعلي
والأنبياء في حضوره
أنت آخرنا يا غالي

آخر الأنبياء

جبريل بعد سبعة لا يعود
محمد الوحيد لسدرة المنتهى
منحة من الرب المعبود
نزول أنبياء تانـي انتهى

خاتم

خاتم في أصبع بنانه
فص لؤلؤ باين فـيه
يا بايع الخاتم أمـانه
أكتب حروف أسمى عليه

المظلوم

يا طبيب هات دوى للعدل
خليه بقى من النوم يقوم
قال بحثت لقيت بكل عدل
اللي عان الظلم المظلوم

العمل

الفعل بهمة يقل الكلام
بالأصول خليك حويط
الرزانة والعقل سلام
هو الكلام يملئ غبيط

الدين

حافظ على روحك نضيفه
ما تزل نفسك لإتسنان
الدين نهار وليل تكتيفه
واللي سلفته في النسيان

الوسط

ليه يعيبوا على الصداقة
العيب عند قافل العقول
تعامل الناس بطيبه حماقة
الوسط بكل شيء معقول
النم

أبعد دوم عن النميمة
خليك صادق في القول
نديم السوء البعد غنيمة
خليك واضح على طول

ممنوع

حب الوداد مقطوع
ليه يا نور عيوني
أنا قولت لك ممنوع
تسرق راحة جفوني

باطل

ليه ركبتم الباطل
الميزان للظلم مال
الحق قلبوه باطل
للي عنده المال

سداسيات

مناظره

قلبي بحبه يناظر
الحب وجدان أصيل
وأنا في العشق ناظر
مدرسة الحب الأصيل
يا ما على النيل مناظر
شفناها ساعة الأصيل

حظ

فلوس معي بكيس ملفوف
رحت قوام اجيب حاجتي
قابلتني واحد ببيع خروف
قولت اشتريه وبراحتني
ميل دماغه خطر معروف
ليه يشمت أخويا وأختي

الفساد زاد

زاد الفساد ف البلاد
مسئول اديه ف حديد
ياللى مصيتوا دم العباد
قتلتوا فينا روح التجديد
طيب فين حق الولاد
اللى نسيوا طعم العيد

طشت

ما بتعرف تعوم ليه تسبح
ودوم تبعد عن الحق وتميل
آخرك الطشت أعمله مسبح
عامل فيها قدام الناس عننيل
وتقول عليا درويش وبسبح
كلامى كلام قاله كل أصيل

ملو عانى

حبيبة قلبي ملو عانى
روحي فيها واعمل أيه
مكانك جوا و جدانى
تعالى وبوصي عليه
روحي بحبك محلفانى
قلبي الزعلان تراضيه

جيبى فاضى

حبيبتي تعشق الذهب
والذهب تتباهى بيه
أنا عقلى منى ذهب
جيبى فضى كدا ليه
حبيبتي عندها مذهب
تجيب الذهب تقنيه



إرهابي

الوطني شهيم ما يهرب
يوقف في وش الأعداء
يا جندي بقوتك أضرب
كل إرهابي نذل مُعادي
خونه للأسرار يتسرب
دافع عن أرض أولادي

راجل

قابلني ست ماشى معاها راجل
تجر في رجلها أصلها حامل
عجله سلفتها ورجعت انا راجل
كرتونه معايا وكتفى لها حامل
كانت ثقيله بها خمس مراحل
يا ناس دا واجب ومش بجمال

رباعيات متفرقة

1

عامية وجميله نحفظها تحمينا
إن ضيفنا ليها تكمل معانيها
الكل ينطقها ويلقى جمال فيها
فيها رقيق المعاني نديها تدينا

حصلي

الفاطحة وع النبي صلي
أنا بحكي اللي حصل لي
حسن و العصر حصلي
دين من وجدي حصلي

الحاسد

جوا يا حزن من الحبيب وبداري
ببسمة على الخدود جواها ناري
الحاسد غبي يحسد ومش داري
أبكي وتشهد على حيطان داري

يا بلدي

يا بلدي أنا حته من توبك
مهما تعملي فيا محسوبك
نفسى نصلح بقى عيوبك
امسح بروحي دمة عيونك

النساء

أنا مش ملاك جوايا شيطان
لما يغلبني أستغفر الرحمن
وبغلبة في معظم الأحيان
وأسلحته المال و النسوان

البخيل

بخيل مضطر عزم ضيف آت
قدم وقال أحكى لى ما فات
يحكى وهو يصطاد اللحومات
تنبه دورك كان ليا أب زمات

حظي كدا

فاتنة قدام بيتى وحلّت
و عيني بالعشق تكحلت
فراشة وبعينى بجد حلت
دوبت ف هواها رحلت

مشاعر

كلامك يا خدني لعالم مسحور
أكتب شعري وأغرق ببحور
ولما تتبسم شفاه أكن مسرور
إن أبدعت طيفك له الحضور

هو سكني

لو عز ضي القمر يكفيني وجهك
و لو البرد جمدني يديني حضنك
القلب ظمآن اشرب شهد من ثغرك
ابقي عايش لو سكنت ف صدرك

ليه تهاجمني

تهاجمني وأنا اكتب الأشعار
وأبنى بيت لكنه ما ينفع دار
وهدفى يسعد حبيب أو جار
ولا عايز منه جنيه ولا دولار

الناس

فيه ناس مش ناس
بجزمه قديمه تنداس
وناس جميله تتباس
وتبقى تاج ع الراس

شبكة

تطاردني أهرب من هواها
هي وصلت ف عشقها منتهاها
تلكعت بحاول البعد وانساها
لقيت نفسي وشبكتي معاها!

المعاش

سهرت الليل أستنى الصباح
القبض بكره و فيه أفراح
أجيب حاجات الشهر و ارتاح
من سعر السوق بقيت نواح

ستين

وقفت قدامه أحمر يسر الناظرين
لمسه ناعم بجماله تتباها البساتين
ممنوع يقرب او يلمسه المساكين
قربت منه لقيت كيلو التفاح ستين

ما يفيدك

قدام عنيك بيتكلم على غيرك
ح يجي يوم ويطفئ قناديلك
إردم عليه دا عمره ما يفيدك
إيد الأصيل هتقوى بها إيدك

عذاب

لحظة صدق عرفت يا حياتي
أنك شكلي في الحياة تهاتي
ليه نعذب اللي بين ضلوعي
وبروحي تزيد أنيني وآهاتي

الفخ

شافه بيحط الفخ ويخفيه
و اللي حط الفخ وقع فيه
ونفسك ما نالت ما تبغيه
عشان رب العرش حاميه

متميز

يا للي أنت متميز
أهمل فاقد التميز
لا تخلّى حقد بقلبك
ولا تخلّى حد يميز

مواجهه

واحد غلط مالك ومال أمه
لا أبوه مسئول ولا عمه
حواء أم لأبن قتل أخوه
ما تواجهه انت وتذمه

الحب جميل

اللي قلبه ما حب سيبك منه
الحب فى الدنيا لا غنى عنه
بالحب تلقى كل شئ جميل
والكره كل الناس بتذمه

دنيا

دنيا و مسخت من الكلام معناه
مديها وشه و استغنت عن قفاه
العند منها وصل لآخر منتهاه
ولا مره مشيت له على هواه

مجتمع

أقسم المجتمع وهي ماشيه
طبقه غنية مرتاحة وعائشه
فيه مش عارف أزاي عائشه
وبقت الوسطى بعيون عمشه

الغرام

الغرام أستاذ هو معلمنا
من غير مد أيادي سلمنا
ع الخدود بالشفاه علمنا
رحنا للذة الغرام سلمنا

إدمان

مصري عربي أنا عنوان
أنا اللي تعب مني الزمان
ولا انحنيت راسي لإنسان
ولا تاهت نفسي من إدمان

طبلية

فين الأيام الجميله
وثقافة طبلية العيله
الوعي كان ضليله
جدي و ستي جليله

أبن آدم

يا ابن آدم ما في سعادة كاملة
جبار لما تبقى صحتك سالمه
تفتري و تعمل كل يوم عمله
وبالمرض أضعف من النملة

ثلاثيات

1

مثلث متساوي الشطر
نسبح فيه ببهور العطر
كل حرف فيه بسطر

2

أستر علينا من اللي دمه خفيف
قال دا تخن عارفين أنه نحيف
يدوخ يوقع ولا حد عارف كيف

3

مشيتي بخفة موج البحر
موجه دلال والثانية سحر
ما ترفي بقى عني القهر

4

مكتوب بحب تزيلى القهر
أيام كنيبة تمر كأنها دهر
باقي على يوم لقانا شهر

5

نسمة رقيقة بجوف الحر
ترفع الهم ما لها في الجر
ربنا يكفيننا عيون الشر

6

أكتبها يا رب لنا
وَتُب يا رب علينا
هي أعلى أمانينا

7

دوي رقبتني طابت عليه رجلي
ما خطر ببالي ولا طبيب يدري
ربك أمر جاتي الشفا يجري

8

فاكر الشباب ح يدوم
اليوم يمر بينقص يوم
وشبابي راح في النوم

9

تمن السجاير رحت جبت حمام
كل يوم فرد الصحة بقت تمام
نادم على اللي فات من الأيام

10

الحمد لله فيه تقدم
دوخة وقبلها أتالم
تعبت يا رب سلم

11

طلبتها أنت لدماعك
عالجت هي رجلك
ربك ما له مشارك

12

تبقى في جيبك
و تروح لغيرك
مش من نصيبك

13

أتعلمي يا بنت يا عدلات
اندلقتي عليه العام اللي فات
دوخك في السبع لفات

14

الدنيا ساقيه وليها عيون
العب معها على المضمون
عشقتها روحك عليها تهون

15

قاعدين على جبل شماتة بصين
علينا و إحنا سارحين ومروحين
ربك يكفيننا شر الحــــاسدين

16

يا للي معك قوه حافظ عليها
ولا تفتري على غالبان بيها
للحق خليها ربك يراعيها

17

تتباهى وتقول أنا ابن فلان
فلان في التراب من زمان
قول أنا فعلي أهوه يا زمان

18

الشعر مش للأغبياء
ولا لقلب فيه البلاء
لأنه دوى لكل داء

19

يا مبتلي خليك صابر
ربك لكل منكسر جابر
أحمد الله الوجد عابر

20

قلبت علينا كثير مواجع
ماتوا ولا حد منهم راجع
وتساوى الكهل بالراضع

21

أجمل الناس اللي رسم بسمة
بكلمة حلوه رقيقه زاي نسمة
لحزين لسوء البخت والقسمة

22

بنادي عليهم مجوش
ناس دول ولا وحوش
يا رب سلم وحوش

23

الوجع ليه طبيب يداويه
وجعي احتار الطب فيه
قلب مجروح خبي ما بيه

24

دوخه دوختني وهي ساكنه
شكلت بكياني الأوجاع كاملة
الحمد لله عدت وروحي سالمه

25

قولت أعمله صاحب ويسندني
في الشدائد يقف جنبي يساعدي
عويل وراسم ع اللي في نني

حظ

تعالى يا صابر نعوم على كيفنا
يمكن الحظ يوم بقى يحالفنا
بجنيه يضرب الدولار اللي مكتفنا

السيرة الذاتية



الاسم / عبدالحميد عبدالرحمن

عبدالحميد طير البر

تاريخ الميلاد / 3 / 20 /

1950

جهة الميلاد / قسم شبين الكوم

المؤهل / بكالوريوس تجارة

جامعة طنطا 1975م

المهنة / مدير مكتب تأمينات

السيارات شبين الكوم تأمينات

اجتماعيه - بالمعاش

مستشار تحكيم دولي في :

منازعات الاستثمار وصياغة

العقود القانونية

الخدمة العسكرية : أدت الخدمة كضابط دفعه 38 أ . د . جو

الرياضه : حصلت على المركز الأول على مستوى المحافظة بطوله

مفتوحه فى لعبة الملاكمه (البوكس) لعدة سنوات متتاليه فى أوزان

مختلفه

الأعمال الأدبيه : 3 دواوين فى شعر العاميه وهم : 1- عاشق ترابك

رقم ايداع / 4756 لسنة 2017- بحر الخيال رقم ايداع / 4757 /

2017- 3 -الحفيده رقم ايداع 4758 / 2017

أندية الأدب والروابط : عضو عامل برأطة شعراء العاميه المصريه

منذ 18 / 2 / 2018

عضو عامل بنادي أدب شبين الكوم

عضو اتحاد كتاب مصر برقم 1181 انتساب
النشر : تم النشر فى عدة مجلات وجرائد منها على سبيل المثال
:مجلة التاييمز الدوليه القسم العربى...ملتقى صفوة الكتاب العرب -
مجلة هدير الحروف - مجلة نغمات الحروف الالكترونيه - رابطة
الكتاب العرب - مجموعة ليالى الشام لوالأدب -
جريدة الأضواء الصحفيه - مؤسسة الجبالى الثقافيه جريدة
المستشار السياسى جريدة لآلى أدبية مجلة أمانو حروف الالكترونيه
- منتدى روائع الشعروالأدب العربى -كروب الاتحاد الدولى للأدباء
والشعراء - مجلة ملوك الحرف الألكترونيه - منتدى ديوان شعراء
العرب -
مجلة انوار وحروف انامل الشعراء - صالون محبى أ / مرفت جابر-
منتدى شلال الأبداع -مجلة كلمة حق -مجلة حديث الهيل الادبيه -
مجلة نبض القلوب الالكترونيه مجلة واحة الحروف العربيه الادبيه -
مجلة مملكة شهر زاد الألكترونيه - مجلة الرائد الألكترونيه
حصلت على أكثر من 50 شهادة تميز وتكريم ومراكز بمسابقات
مختلفة
عبدالحميد عبدالرحمن طيرالبر

محتوى الكتاب

2	بطاقة الكتاب
3	الإهداء
4	المقدمة
5	كلمونى جيرانى
7	رباعيات الهجاء
15	بساط الريح
16	طعم الهوى
18	الميزان
20	قطار الأمل
22	عاشق ومعشوق
24	أم الشهيد
25	الهمة يامصرى
27	الغالية أُمى
29	آه يازمانى
30	الحب الأول
31	اللطافة فى النظافة
33	يحميك ياوحدى
34	زمن الفن
35	صمت الشفايف
37	خاف من الشيك
40	مصر حزن حنون
42	أنا المحافظ
43	حيرونى
44	كان يا ما كان

46		نار ولعه
47		العلم
49		الورد غار
51		العتاب
52		الطربوش
53		مكتوب
54		شاهد لياليها
57		رمضان
59		العرافة وأنا
60		عاشق وبس
62		المنوفيه
64		الدار
66		أُمى حياتى
68		دبل الزهر
70		شاهد لياليها
73		إيه اللى تايه
74		كان ياماكان
77		فكهانى
79		ورد الخدود
80		فن الواو
90		سداسيات
93		رباعيات متفرقة
100		ثلاثيات
106		السيرة الذاتية
108		محتوى الكتاب

